

碧蘿吟館唱和詩詞  
四集



832677

碧蘿吟館唱和詩詞

四刻

余司鐸海昌暇時輒與同人投箋贈答而馬君古  
芸居稍遠又嬾入城以致慕其名久未得見心爲  
悵然今春訪古芸并讀其前後唱和集愈知古芸  
篤嗜風雅有倦倦不能已者古芸亦知余之耽於  
吟詠因欲復舉詩課屬余爲之倡率歸語同人各  
欣然以應得詩彙錄一編古芸乃喜而付之梓道  
光七年丁亥五月雪齋方成珪識

過桐溪訪馬古芸舍人

方成珪 雪齋

壇坵風傳浙水濱六年前已仰芳塵往來魚札如謀面  
碧蘿吟館唱和詩詞

著述鴻篇已等身餘事兼通書畫譜名園直占古今春  
我來正值韶光麗紫燕黃蜂也趁人

祥徵子舍鳳和鳴

時古芸次  
郎新婚

折柬相招感盛情恰好因

羣來拜紀果然見面勝聞名人遊花國香偏膩酒入詩  
家味倍清笑我琴心難脫俗當筵已帶別離聲

方雪齋學博過桐溪有詩見贈次韻奉答

馬 古芸  
錦

狂酌天瓢大海濱何曾醉眼醒風塵銷除庾信凌雲氣  
終老曹交食粟身十畝田園徒寄跡一庭花木又回春  
年來得遇方三拜風義無須讓古人

伊啞溪岸罇枝鳴入戶春風慰我情豈有文章通藝事  
敢將詩畫博才名停雲落月三年久人影梅花一笑清  
料道門牆桃李盛雞鴉也學鳳凰聲

尊經閣四景

方成珪

雞聲剛唱五更風已見晴輝麗海東雲陣掃開千里碧  
日華飛出一輪紅氣蒸水府蛟龍避光射天衢星斗空  
看罷攜鐙下高閣曉窗猶自影朦朧

觀日

爛銀盤未落簷前高處清光得最先遠岫依稀青不斷  
平沙照耀白無邊寒知露濕三更地淨喜雲消萬里天  
休道月宮人境隔此間觴詠亦神仙

觀月

碧蘿吟館唱和詩詞

二

曾羨枚生賦手豪海濱重此見驚濤綫痕乍引尖山遠  
旗陣旋遮越嶠高雷起中流轟萬鼓雲飛極浦動千艘  
若教依樣論文勢吏部當年健筆操

閣下供昌黎伯像觀湖

重裘尙怯十分寒縞帶銀杯句朔韓亂舞常隨風浩浩  
平鋪直接海漫漫形疑萬屋魚鱗失勢作三霄鶴翅盤  
閣下梅花消瘦甚頓添春色到吟壇

觀雪

和作

張駿荔園

傑閣尊經是處同觀陽惟此最凌空萬家煙樹環城北  
一抹晴霞出海東烏革疊飛開眼界龍光寶氣盪胸中  
曝書傳語須勤力他日花磚定紀功

觀日

城南隕色夕蒼然萬仞宮牆得月先捲幔手疑捫斗宿  
居樓身欲嬾神仙誰依樹影千回繞龍吐珠光一顆圓  
高處直通天尺五霓裳同詠望明年

觀月

三重阿閣遠塵囂控引長風響怒濤吳地白鋪江練瀾  
越山青隱浪花高涼生畫檻披襟爽晴舞沙鷗送日勞  
獨立蒼茫一舒嘯韓蘇文陣與爭豪

觀潮

水晶宮繞玉闌干曉起登臨一大觀銀海光芒窮浩渺  
冰壺心地比清寒烹茶掃去娛陶穀飛絮吟成樂謝安  
何似廣文官耐冷尖叉疊韻盡傳看

觀雪

和作

蔣浩  
華隱

碧蘿吟館唱和詩詞

三

潮雞唳出海門東傑閣憑欄眼界空萬里光芒初日麗  
三山縹緲彩雲紅遙臨絕島思鞭石笑拂扶桑欲挂弓  
照徧鶯花句踐國回看城郭影瞳眈

觀日

海上樓高得月先纖阿飛出暮雲邊照開冰鏡千潭潔  
獨獲明珠一顆圓渾欲校書親太乙直教攜酒挾飛仙  
滄墟夜半魚龍靜歛唾清輝下九天

觀月

偶看闌角落鵝毛陡駭飛掀萬丈濤閩海收回珠舶小  
越山拋入浪花高大觀欲叫枚乘起奇氣思追吏部豪  
佇想東方三大物側身天地首頻搔

觀潮

滿閣書籤亂葉攢龍宮試手雪成團尖叉韻裏懷坡老

粉素礮頭憶范寬三浙潮平天淡淡九州雲合海漫漫  
城疑不夜光生月廣廈還思大庇寒

觀雪

和作

馬錦

傑閣崔嵬面海東曉來晴旭射窗紅光華忽擁一輪大  
波浪欲吞萬里空郭外雞聲鳴未歇簷頭塔影挂當中  
先生自是珊瑚網雲蔚霞蒸五色工

觀日

更愛三更皓月圓銀蟾朗照海無邊茫茫彼岸大千界  
皎皎當頭尺五天星斗高懸飛鏡出魚龍冷守抱珠眠  
分明太乙青藜杖夜趁清輝校簡編

觀月

拜乞昌黎健筆操文章那得湧風濤追奔怒馬無其速

碧蘿吟館唱和詩詞

四

壓倒銀山不敢高日夕每驚雲滾滾往來常見雪滔滔  
何勞畱取城門鑰偶一憑闌興便豪

觀潮

海天如墨潑漫漫此景營邱畫亦難碎玉千堆呈貝闕  
晶鹽一撒滿沙灘閉門穩臥多寒士袖手高歌有冷官  
隔岸凍雲忽飛到長空捲作白龍團

觀雪

同作

徐紹曾

壽魚

登臨高閣氣何雄豁眼扶桑萬里東光抱一輪雲影碧  
烏騰三足海波紅琉球烘染仙山外禹穴分明薺樹中  
笑指八方都照徧全憑張表運神功

觀日

暮雲捲盡海南天高拓疏窗月到先春夜愛看光較淡

雪宵爭訝魄逾圓  
望來玉兔長畱窟  
住得姮娥不記年  
幾度憑欄眺莫厭  
清輝萬頃印前川

觀月

直上雲梯興獨豪  
潮聲漸上水滔滔  
勢看龕楮千盤蓄  
氣撼魚龍百尺高  
沙地有痕衝浪斷  
估颿無恙走風號  
瀾翻波涌文心壯  
懷想枚乘筆健操

觀潮

玉龍戰罷得奇觀  
飄泊長空陡覺寒  
山水白描開畫本  
樓臺碧影暗雕欄  
煖鑪會好衝風至  
鬪韻詩奇耐冷看  
岡上何人望村落  
炊煙疏處更漫漫

觀雪

同作

徐兆庠 晴江

振衣高閣吸天風  
望徹扶桑界極東  
夜氣旋收江面白

碧蘿吟館唱和詩詞

五

曉光先上塔尖紅  
波騰萬里鳥跋躍  
雲捲三疊蜃霧空  
有約鷹窠山頂宿  
更揩吟眼破朦朧

觀日

詩人修到幾生前  
如此圓光合占先  
地近九霄臨檻外  
風催一鏡挂欄邊  
大千界展凌雲路  
尺五城開不夜天  
手控銀鸞吹玉笛  
今宵身已作飛仙

觀月

平身意氣入秋豪  
放眼驚看百尺濤  
捲地勢搖吟榻動  
連天光擁雪山高  
聲清近和虛檐鐸  
帆帆急遙飛估客艘  
聽罷海風彈一曲  
移情閒把素琴操

觀潮

雪花一陣撲窗寒  
鱗甲生肌笑似韓  
澤國多陰煙漠漠  
瓊樓無月夜漫漫  
白封三徑欺梅瘦  
青抹雙尖認髻盤

我愧程門長侍立強思門韻到詞壇

觀雪

同作

潘蓉鏡

仲方

羲和撫轡出龍宮萬里扶桑指海東  
煙樹遠開雲影碧浪花寒湧日輪紅  
蜃樓勢擁三山外貝闕光搖一鏡中  
高閣直通天尺五待看照耀八方同

觀日

萬象空靈月在天憑欄遙指一輪圓  
光涵星斗簾前濕影徹魚龍水底眠  
玉宇高寒涼有暈銀河清淺澹無邊  
登樓直挾飛仙去悟到前生尙宛然

觀月

浪湧銀山雪作濤何人水底駕鯨鰲  
長風怒挾千雷走滄海寒驅萬馬號  
珠舶曉回螺島近練紋秋捲鰲門高

碧蘿吟館唱和詩詞

六

文章亦有奇觀在誰似當年吏部豪

觀潮

登臨陡覺曙光寒快得天公玉戲看  
萬樹瓊瑤光皎潔千家樓閣望漫漫  
蒼茫獨立思招鶴飄泊長空訝舞鸞  
誰擅白描高格手溟濛寫作畫圖觀

觀雪

雪齋學博以尊經閣四景詩索和思蹇未及完稿

迨成二律

呂

榮

幼心

尊經高閣倚蒼穹殘夜憑欄待曉紅  
星斗微茫千嶂外乾坤開敞一輪中  
臥翻雲海胸懷濶立掃煙氛眼界空  
頃刻光華照林谷負喧須讓白頭翁

觀日

何處飛來百尺濤往還終古不辭勞  
陣排霄漢馳千騎

氣攝蓬壺駕六鰲破曉欲追羲馭疾侵宵倒湧月輪高  
投閒未了宣防責塘工固限未滿獨對衝波首白搔觀潮

勺園梅花盛開出游翫緩用東坡松風亭韻寄古

芸

馮登府柳東

種梅自成花一村花開不開招詩魂草堂總爲梅花守  
守到花時忘朝昏子雲老愛一區宅逋翁歸來孤山園  
我今對花無媿色春風一夢從頭溫仙姿零落復相見  
依然冰雪傲晴曦此花此客長無恙年年明月來窺門  
前生應與花同命問花但笑花無言爲招馬卿來置酒  
山厨急洗花朝尊

碧蘿吟館唱和詩詞

七

疊前韻答柳東明府

馬錦

野人伴鶴棲荒村春風吹醒梅花魂鯉魚剖腹見尺素  
雲水光洗眼不昏知君拓地蒔花竹曷讓庾信賦小園  
抽颿宦海得歸早壯心未盡鑪灰溫酣然嬾臥北窗下  
三竿日影紅朝曦有心管住雲出岫無容邀使月到門  
新詩寄我意鄭重如蘭三復同心言春光次第及上巳  
花叢相約攜琴尊

再寄古芸疊前韻

馮登府

畫品獨數小審村豪吟欲追太白魂長年幽棲桐谿上  
新詩寄我開眩昏上元張燈畱清宴訪君曾過梅花園



平生甘辭金貂貴山情琴話玉雪溫相期未遂十日飲  
扁舟歸耀月清暎

上元曾借李  
韓泚訪君

有足嬾騎粗官馬有裾

不曳公卿門獨與少游兄弟好欵曲敢忘久要言碧蘿  
會須開春社改月來醉鼠姑尊

復疊前韻答柳東

馬錦

春光愁隔東西村風雨冷斷蝴蝶魂久遲梅里客不到  
清溪楊柳煙昏昏我家羣季亦俊秀相期夜宴桃李園  
踏青節過天乍霽酒香飛繞花枝溫晨興簷鵲寂無響  
一輪遠射搏桑暎橋松社櫟各異用掄材自昔同匠門  
君有著作傳不朽笑余詹詹鳴小言巖阿散髮事頽放  
豈堪叱馭隨王尊

碧蘿吟館唱和詩詞

八

同作

蔣浩

硤南花柳連村村溪光潑翠清心魂曲溪之曲最幽處  
詩老吟入忘朝昏主人蚤有雞黍約喜值陶令歸田園  
扁舟來往趁佳日囊頭新開梨花溫春山欲笑若招客  
銅鉦挂出林梢暎碧雲泉香露芽嫩看竹同打僧廬門  
登臨賦詩動琴酌鼻參花香耳禽言丈夫處世貴適意  
甚勿獨養衡茅尊

詠古四首

方成珪

身世悠悠困短衣春田牧豎暫相依南山石爛溪花瘦

東海風高野草肥  
叩角清音過斷坂  
塵肱遠影對斜暉  
途人若問桃林事  
渭水橋邊有釣磯

甯戚飯牛

冀北秋深木葉號  
孫陽一過馬騰槽  
畫鬃依樣材皆劣  
賞識逢君價始高  
伏櫪豈無千里駿  
齊名惟有九方臯  
天閑十二須良駟  
安得斯人掌選曹

伯樂相馬

斜飛一箭餓鳴鳴  
善射人誇古北平  
雪後強弓猿臂挽  
山前怪石虎牙撐  
負隅賓客應潛避  
環帳丁男蚤共驚  
獨恨他年誅醉尉  
區區恩怨太分明

李廣射虎

海上鬚眉變朔風  
羝羊不乳恨何窮  
傷心夢斷烏頭白  
刺血書沾雁足紅  
零落節旄殘雪裏  
蕭條鞭影夕陽中

碧蘿吟館唱和詩詞

九

異時繪入麒麟閣  
無復丁年冠劍雄

蘇武牧羊

和作

張駿

再戚才雄不受羈  
追隨商賈且藏機  
赤心爲國投長策  
白眼看人笑短衣  
名隱豈同山石絮  
力孱翻遜犢身肥  
夕陽影裏桃花近  
叩角高歌緩緩歸

甯戚飯牛

孫陽相術亦人豪  
日閱千羣不覺勞  
下駟何嘗無意態  
眞龍全不在皮毛  
市來駿骨嫌何晚  
負到鹽車乏此遭  
安得揚鞭遊紫陌  
一時聲價頓增高

伯樂相馬

白額跳梁嘯矢鳴  
鋒銛陡貫石崢嶸  
精神到處堅能破  
氣燄橫空吼有聲  
捷似拔山三箭定  
榮于點將一軍驚

須知猿臂由天授未許熊渠擅盛名

李廣射虎

零落千旄耐朔風子卿長自守孤忠  
五子卒散憐降將  
十九年羈混牧童荷笠幾曾占  
吉夢生疑空此望神功  
上林迥隔天南北猶幸傳書有塞鴻

蘇武牧羊

和作

蔣浩

志在干齊適楚非食牛細草士粗衣  
郭門夜火高歌發  
白石南山託興微管晏之間堪伯仲  
敖奚而外亦幾希  
育魚幸有知詩婢未得安居足感歎

甯戚飯牛

折脅鹽車力極勞  
甘于糞野食同槽  
悲鳴自惜人誰顧  
知己相逢氣益豪  
幸有真龍超乘出  
無將朽骨築臺高

碧蘿吟館唱和詩詞

十

空歌伏慙嗟何用伯樂如今未易遭

伯樂相馬

懷想堂堂李北平安邊千古著威名  
力能除猛山爲震  
虎縱當途世勿驚  
莫歎王侯無骨相  
直將鐵石貫精神  
短衣匹馬相隨願  
金僕姑彎萬里行

李廣射虎

十九年來雪窖中  
鴛鴦黃鵠各西東  
河梁攜手人何在  
麟閣圖形事屬空  
臣縱吞氈堅執節  
羊能跪乳更全忠  
訛傳幼子歸無恙  
那有遺書寄塞翁

蘇武牧羊

和作

馬錦

荷蓑荷笠偶相依  
歌罷商聲叱犢歸  
君前舍諸難自薦  
臣方饑甚不如肥  
英雄混迹甘居後  
輔餼隨羣感式微

石爛南山泥沒駝牧人只道夢熊非

甯戚飯牛

知已鹽車豈偶遭孫陽更勝九方臯無營錦障雕鞍飾  
不負追風逐電豪四海訪求圖可按千金品論價非高  
倘逢西極來神駿汗認桃花雪認毛

伯樂相馬

將軍彎臂若猿輕善射能令虎膽驚怪石且疑蹲猛獸  
狂風常欲吼前營斜飛怒縮爪牙伏強挽雕弓霹靂鳴  
匹馬短衣好身手封侯何用計功名

李廣射虎

十九年爲海上翁爾羊三百臥羣中吞氈仗節傷冰雪  
裂帛傳書託雁鴻馬角窮荒生不易刀環樂府唱難工  
李陵臺下萋萋草終古悲筵起朔風

蘇武牧羊

碧蘿吟館唱和詩詞

七

和作

徐紹曾

屈節干榮計本非齊侯迎客兆先機一鞭快逐紅燈閃  
雙角頻敲壯氣飛牛口居然逢賞識臣心不料竟依歸  
後車載去成勳業白石歌殘託跡微

甯戚飯牛

孫陽經眼興何豪領取天機券獨操駿骨何須分牝牡  
神馳端不重皮毛品題人說千縉貴超逸誰云八尺高  
自有秘傳真相法笑他膠柱總徒勞

伯樂相馬

飛將軍蚤擅威名一矢離弦虎便傾縱有爪痕畱跡在  
頭令膽氣落弓鳴歡聲萬里傳西土神技千秋話北平  
豈必石頭常錯認誇他没羽更誰爭

李廣射虎

邊聲四起不因風管領羝羣計獨窮報國有心徒仗節  
思家無字託征鴻草枯驅向蠻煙外雪冷牽來土窟中  
流落匈奴十九載白頭生度玉關東

蘇武牧羊

和作

徐兆庠

長夜商歌起布衣竟從牛口識寒微滄浪有鯉曾垂釣  
燈火鳴騶報啟扉雙角叩吟悲驥老五羊酬值快雄飛  
涓濱不少能罷夢好與君侯共載歸

甯戚飯牛

一顧羣空氣倍豪良工誰似九方臯但論骨亦千金值  
豈待圖成八尺高龍種幾曾求賞識豹窺恐祇在皮毛  
憑將冷眼收神駿何事風塵物色勞

伯樂相馬

碧蘿吟館唱和詩詞

七

將軍意氣劇縱橫射石威名振北平手挽六鈞穿虎背  
風吹一箭叫鴟聲能寒紫塞降王膽未愜藍田醉尉情  
早識封侯緣骨相何如羽獵賦西京

李廣射虎

海上黃沙捲朔風看羊誰復恤孤忠夢迴熊館鷹坊外  
淚灑冰天雪窖中毳幙充飢憐搨鼠帛書遠寄託飛鴻  
他年麟閣酬羝乳憔悴形容付畫工

蘇武牧羊

和作

馬德馨 秋樵

郭門客到又斜暉牛口生涯足涕歔黃犢且休長路遠  
紅燈竟照後車歸人來逆旅爲齊招歌罷滄浪尙布衣  
一樣功名心事熟遊秦敢說計全非

甯戚飯牛

羣空冀北喻賢豪逢著孫陽價倍高豈有雄心甘伏櫪  
但無卓識漫騰槽風塵儘要憑雙眼世咎何曾見一毛  
今日得蒙知己顧鹽車不因喜相遭

伯樂相馬

月黑雲迷狹路驚腥風一陣草間生虎牙石踞崢嶸立  
猿臂弓開霹靂鳴縱若負隅應落魄儘教沒鏃不聞聲  
飛將軍技神如此千古英名右北平

李廣射虎

衰草連天吼朔風跪輸羝乳泣孤忠肱麾旄節心防落  
夢遠鄉關路不通千里黃沙吹海角幾堆白石誤山東  
歸來麟閣圖形像尙記書傳雁足紅

蘇武牧羊

和作

潘蓉鏡

碧蘿吟館唱和詩詞

三

英雄溷跡僕知希叩角聲中託業微斷坂清風歌爛石  
平田細草臥斜暉臣心報國懔長策牛口成名奮短衣  
聞說後車終爾載千秋眞賞仰齊威

甯戚飯牛

鹽車絆驥敢辭勞一遇孫陽睨影號直使風塵遂顧盼  
儘教物色畧皮毛骨緣市駿千金重價比登龍十倍高  
安得掄材都若此悲歌伏櫪想騰槽

伯樂相馬

白額騰空起嘯聲將軍猿臂意縱橫草枯紫塞羶羶泣  
箭響青山霹靂鳴月冷氣雄談虎客風腥膽落射鵰生  
如何肘印蹉跎甚虛負威名震北平

李廣射虎

雪窖羈臣飽朔風可憐羝乳望徒空波深瀚海冰花白

血染輪臺塞草紅，蓑笠生涯儕短豎。旄節旄壯志仗孤忠，待看皓首歸來日。異域人還泣路窮。

蘇武牧羊

和作

陳

芟卿

叩角傭奴事業微，商歌夜半起郊扉。長鑣那覓龍芻秣，短褐仍憐犢鼻衣。轂下黃犍調轂鯨，山前白石認依稀。臣家一卷殘經在，深恥當途伏謁非。

甯戚飯牛

遠求龍種漫勞勞，安得孫陽視一遭。倜儻先教論骨格，騰驤兼與辨拳毛。暫邀顧盼神都旺，卽効疆場死亦豪。曾記鹽車蒙拂拭，風塵滿目太行高。

伯樂相馬

碧蘿吟館唱和詩詞

古

校尉何須號射聲，五色皮毛供寢處。四山牙爪敢橫行，將軍一箭神如此。不遣長驅冒頓城。

李廣射虎

緬肋柔毛叱朔風，節旄盡落此心忠。一羝那望羣兒乳，五穀將無百里同。水草罕逢游牝地，寢詔猶仗漢臣功。後來誰按丁零盜，謔語空傳北海融。

蘇武牧羊

和作

管庭芬

芷湘

未甘白首隱林扉，叩角聲中尙布衣。燭火光寒清漏永，南山石爛老牛肥。雄心詎肯銷長夜，壯志何堪對夕暉。唱罷商歌眠細草，後車載得幾人歸。

甯戚飯牛

秋聲莫北怒風號，一顧空羣選長勞。伏櫪幾人憐汗血。

攀轅到處訪英豪  
飛騰佇望千金貴  
聲價須求一品高  
自笑按圖空索驥  
教農深愧九方臯

伯樂相馬

月黑風高度北平  
荒林怪石露崢嶸  
眼光錯認於菟影  
弓響先傳霹靂聲  
勇擅穿楊驚絕域  
勁能沒羽駭邊城  
笑他射獵空山裏  
共擊黃獐策馬行

李廣射虎

羝羊不乳恨無窮  
漠漠黃沙吼北風  
禿節愁埋遼海雪  
孤臣魂繞漢王宮  
傷心黑水迷瓊帳  
極目冰天冷塞鴻  
衰草根枯何處牧  
一羣躑躅亂煙中

蘇武牧羊

和作

孫維學 石卿

滄浪水畔耐單衣  
驅犢悲歌識者希  
半束生芻經細雨

碧蘿吟館唱和詩詞

五

一枝短策對斜暉  
賃車自惜奇才困  
叩角誰憐壯志違  
待得君王傾顧後  
南山白石舊情非

寧戚飯牛

品評不讓九方臯  
個儻權奇朗鑑操  
求駿必當論骨格  
按圖仍是相皮毛  
太行負重材猶屈  
冀野空羣價始高  
塵世得邀君一顧  
定應伏檻免悲號

伯樂相馬

幾陣腥風撲面生  
藍田夜獵獨橫行  
舒來猿臂饒英氣  
飛去狼牙斂嘯聲  
馬上黃弓和月挽  
山中白額應弦驚  
將軍縱少封侯相  
贏得千秋善射名

李廣射虎

牧羝海上困英雄  
皓首躊躇對朔風  
仗節已拚成老大  
嚼氈祇是竭精忠  
驅殘羸角鞭聲裏  
飼罷柔毛塞草中



十九年來多少恨聊將素尺寄征鴻

蘇武牧羊

和作

孫沅 芷香

白石南山困短衣屈身牛口且相依賣刀自覺雄心在  
抱犢應憐素志非叩角功名餘感慨束芻事業笑卑微  
奇才豈是長埋沒待看高車穩載歸

甯戚飯牛

風塵有鑑寸心操冀北經過物色勞伏櫪每傷知遇少  
空羣莫訝品題高龍媒一顧名逾重駿骨千金氣自豪  
從此飛黃期遠到雲霄青眼快相遭

伯樂相馬

一叱堪教猛獸驚將軍飛羽出前營魂銷白額山林動  
手拓黃肩霹靂鳴怪石能穿誇絕技腥風失嘯振英名

碧蘿吟館唱和詩詞

六

短衣匹馬真無敵猿臂威傳右北平

李廣射虎

羶鄉持節恨無窮羝乳何年塞草空斷雁明駝悲遠戍  
冰天雪窖矢孤忠補牢獨耐邊風冷叱石愁看海日紅  
遙望漢關懷卜式上林考牧已成功

蘇武牧羊

柳東屬寫勺園八景各系以詩 馬錦

奉輿軒

珥筆蓬瀛去抽簪閩海歸朝衫與初服同是老萊衣

古靈源

一樣源頭水貪廉各異名在山泉不改難得出山清

拜竹詩龕

欲談摩詰禪如拜元章石傾倒君子旁萬竿弄煙碧  
小橋李亭

禾郡曰橋李荒亭築一箇收拾鴛鴦湖不覺煙波大  
一朶山

雲外青芙蓉九峯合一朶竹垞圖較繁刪除畫亦可  
柳界

麋眼編籬密何如插柳輕東西隔不斷惟有黃鶯聲  
酌史巖

讀史與飲酒酒味不如史清濁兩兼之董狐醉而止  
一把香茅屋

碧蘿吟館唱和詩詞

七

不與蕭艾伍自同荃蕙新三間勞結構如玉坐詩人

同題

蔣浩

奉輿軒

息轍風塵歸隱承歡疏水何如問道馮公有母看花日  
侍板輿

古靈源

靈源古通海眼銷得鼃蟻衣盡試看一勺清香澆爾蓮  
花舌本

拜竹詩龕

不必渭川千畝願得元卿二友浙西詩派云誰只爲竹

坨低首

小橋李亭

臙脂滙畔人去故鄉鄉味猶存小小築亭花下指痕一  
招銷魂

一朶山

馬遠一角粉本畫出空濛翠巒雲斂千峯萬壑獨畱秀  
色可餐

柳界

永豐坊角談詩栗里門前八畫時有溪雲去來鷗鷺不  
知柳界

碧蘿吟館唱和詩詞

文

酌史巖

雖騷痛飲也得漢書濁酒下之斟酌古今隻字獨腹醒  
眼誰知

一把香茅屋

築室翁離趾中誅茅拓地數弓想見浣花詩叟狂歌響  
入秋風

自題

馮登府

奉輿軒

茅雞不供客祖竹已生孫白髮扶籐竹看花又一村

古靈源

趵突分靈源十年勞疏遠在山與出山視此清一勺  
拜竹詩龕

新竹初破笑老竹喜共醉消夏膈膊棋北窗收涼吹  
小橋李亭

花草城未蕪果熟園丁餉幾樹畱房陵此間有亭長

一朶山

旖旎六峯間玲瓏面面環最宜秋雨後來看一房山

柳界

插柳爲鄰界春來但住鶯曉風殘月裏無夢到蓬瀛

酌史巖

碧蘿冷館唱和詩詞

七

曾讀天上書歸來忘辱寵一壺斟酌之酒家有南董

一把香茅屋

但謀彭澤酒未買浣花田何時王給事來送草堂錢

集禊帖寄懷古芸

方成珪

九曲流相抱虛懷仰舍人靜生山水樂和集古今春幽  
迹林閤寄清文坐右陳同時蘭與竹契合豈無因

次韻答雪齋學博仍集禊帖

馬錦

今年欣得遇天趣仰斯人相晤洽終日同遊暢一春情  
當娛室靜文不錄言陳大作隨風寄興懷契合因

同作

徐紹曾

觴詠靜娛室

書齋名

臨風契古人品文欣不倦觀水快當

春竹映虛懷暢蘭幽清氣陳此情殊足樂得與豈無因

讀古芸臺中痛飲苦吟各作復擬四題索和

方成珪

破浪乘風願已違海濱聊此息塵機蹉跎歲月雙行屐

笑傲江湖一釣磯林下重開新白社篋中未浣舊緇衣

鵬程雁路空翹首且共閑鷗自在飛

倦遊

結趺渾欲闖禪關消受身心一味閒明月有情窺隔牖

落花無語伴空山隱囊紗帽棋初罷竹几焦團夢亦刪

猶憶韋公詩境淡焚香煮茗掃苔斑

靜坐

碧蘿吟館唱和詩詞

三

世事茫茫恨不窮聊舒逸氣向晴空龍吟碧海波聲應

鳳叫丹巖谷響通阮籍科頭高閣上孫登散髮亂山中

選樓一首成公賦未盡登臨意與雄

狂嘯

詩家樂府本天然興到何須託管絃儘許仙心通妙曲

不教蠻語入新篇荷風宛轉花如笑竹露瓏玲鳥亦憐

鐵板銅琶太豪蕩瓣香宜祝柳屯田

清歌

和作

呂榮

乾坤容我遂初衣建樹無端且息機涉厯老於嘗世味

衰屣空此繫民依掉頭海上煙霞濶炙背林間霜露晞

剩有浮名在塵埃不堪還問是耶非

倦遊

索居不改舊時顏，掃卻塵氛獨閉關。幾樹幽花當座發，  
一輪皎月照人間。靜中是處開清籟，象外悠然見遠山。  
莫道無聊空守寂，鼎爐方寸有丹還。靜坐

山高野濶海天空，有客披襟嘯遠風。振動疏林開鬱勃，  
吹噓幽谷起冥濛。本無憤懣情逾暢，一任清狂氣自雄。

此意昔曾題滿幅。

余舊有海天舒嘯圖

餘音長在碧雲中。

狂嘯

衰齡詩思等枯禪，高興猶能抵少年。人與雲山皆應律，  
天生風月自成篇。誤多常待周郎顧，和寡誰將郢客傳。  
閒向空林歌一曲，好花無語亦嫣然。清歌

和作

張駿

碧蘿吟館唱和詩詞

三

狐矢襟期任指揮，休將雌伏擬雄飛。萬金騎鶴堪乘興，  
六月搏鵬且息機。遊徧天涯應告倦，飽嘗世味不如歸。  
邯鄲夢破分遲早，幾箇還家尚錦衣。倦遊

利鎖名繯一概刪，幾生修得到安閒。管寧雙膝長畱榻，  
宏景孤蹤不出山。消晝渾如僧入定，侵晨休報客當關。  
滿庭自有芝蘭氣，窗外浮雲任往還。靜坐

莫以醒狂比次公，適然長歎氣如虹。破壺處仲聲何壯，  
舞劍劉琨響更雄。赤壁重遊呼夜月，丘嫂三醉曳秋風。  
分明鸞唳來天半，擁鼻微吟未許同。狂嘯

忽聽清歌意灑然，陪他妙舞落花前。三搥羯鼓終嫌鬧，

一串珠喉最愛圓水調時來漁父唱霓裳曾借樂工傳  
衰齡陶寫全憑此底用纏頭學少年

清歌

和作

潘蓉鏡

千時挾策計全非何處田園可息機驢券頻書人易老  
鱸鄉有夢客思歸壯心孤負橫空劍傲篋猶存短後衣  
拋擲光陰休自惜閒情都付釣魚磯

倦遊

斗室蕭然獨掩關一簾春草不須刪香飄禪榻心多妙  
花發空庭意自閒山暝那知雲去住竹深時覺鳥絲蠻  
吾廬亦正饒幽趣位置枯桐瘦石間

靜坐

呼松吸檜氣如虹一洗塵埃萬古空裂石聲飛千嶂外  
碧蘿吟館唱和詩詞

三

奔雲響遏九霄中嗣宗善哭原非達越石長吟已奏功  
陡覺清飈振林木居然咳唾落天風

狂嘯

風日暄和薄醉天琅玕清韻出花前譜成絕調雲應想  
訴到離愁月有緣對酒不教增慷慨當筵誰與致纏綿  
中年哀樂尋常事陶寫何須雜管絃

清歌

和作

應時良

笠湖

夢中五岳尙依依可柰登臨腳力微婚嫁未知何日了  
狹斜深悔少年非江湖載酒心情嬾京洛看花伴侶稀  
祇覺禽言聽最好道行不得不如歸

倦遊

不論花間與石間雙趺結處卽禪關無風簾幙茶煙定

如水門庭鶴夢間，鎮日忘言看白晝。有時隨意數青山，  
何由得箇蒲團破。棋劫詩逋一例刪。

靜坐

登臺驀地一聲雄，萬壑千山響應同。鬱勃頓舒奇士氣，  
巖豪直抗大王風。呼來猿鶴青天外，驚起龍魚碧海  
中。莫笑子安常口吃，賦成餘韻尙摩空。

狂嘯

廣陵散後譜誰傳，顧誤無人祇自憐。換我功名拚一曲，  
遣他哀樂過中年。曉風殘月詞悽絕，豪竹哀絲韻悄然。  
畢竟不如仙樂好，霓裳高詠大羅天。

清歌

和作

俞興瑞 霞軒

萬里關河壯志非，十年塵土滿征衣。平林落日鴉爭集，

碧蘿吟館唱和詩詞

三

古道秋風馬不肥，山色看殘吟眼冷。天涯覓徧賞心稀，  
誰能更唱勞人曲。無限蒼苔沒釣磯。

倦遊

臨水茅齋三兩間，蒲團烏几閉門閒。日移花影分濃淡，  
風引茶煙自往還。漸聽吟蟲生暗壁，忽來歸鳥點秋山。  
利名畢竟成何物，擾擾黃塵徧九寰。

靜坐

鸞鳳聲高碎碧空，斜陽落葉萬山峯。激回太古宮商祖，  
參破神仙吐納功。大塊生機舒野馬，下方人語笑秋蟲。  
卻憐阮籍疏狂甚，輸與蘇門鶴髮翁。

狂癡

何處樓臺最可憐，櫻花如雪柳如煙。愁生語燕嗁鶯外，  
夢繞游絲落絮邊。公子黃鸝催曉月，佳人白紵怨華年。



秦青已老周郎醉莫倚珠喉一串圓

清歌

和作

查傳瑩 仙眉

蹋盡緇塵醒世機一肩琴劍徑思歸山因夢裏尋何礙  
途若窮時哭已非幾兩并拋名士屐半生預製定僧衣  
都應會得投林意雲掩蒼苔鶴戒扉

倦遊

修到神仙一味頑儘拚坐老此空山蒲團香火緣重證  
詩榻茶煙境本閒雲展苔衣分半席客稀蘿徑掩雙關  
蓮跌便是長生術始信髯蘇福不慳

靜坐

振衣吹落九天風咳嗽能生萬丈虹聲誤鳳鸞聽亦駭  
響搖山谷勢何雄掉頭一笑非塵世拍手長鳴下碧空

碧蘿吟館唱和詩詞

三

莫是海春仙子術幻將石吼醒頑聾

狂嘯

盪洗箏琶俗耳緣自成逸響自陶然禽言亦有鳴心樂  
蟬韻都因咽露圓謾謾松風吹入拍寥寥琴趣妙無絃  
但憑人籟傳天籟偶涉詩情已雜仙

清歌

和作

馬錦

天涯浪跡復何依鳥影投林便息機結客黃金容易盡  
催人白髮不如歸拚將老眼看山足賸得閒身食粟肥  
撇去紅塵千萬丈猪肝從此累人稀

倦遊

得住茶牀酒竈間幾如圍裏萬重山風來松下琴無響  
春到花邊鳥亦閒白板扉長雙扇閉黃庭經可一篇刪

蒲團大有參禪意鑪熏清香佛共班

靜坐

劃然清響動天風豈有浮雲擾眼中半夜魚龍滄海泣  
一羣猿鶴亂山空偶將逸氣舒陶令欲把豪情答阮翁  
春女善嘯秋士怨笑他幽咽似吟蟲

狂嘯

人生哀樂近中年絲竹陶情亦自憐鳥語間關時作友  
琴心寂寞可無弦仙人別唱紫雲曲下里難賡白雪篇  
慷慨唾壺還擊碎飄零紅豆不須圓

清歌

和作

馬鴻寶

少谷

蕭蕭白髮悵斜暉老矣江湖倦欲歸升斗難謀空四壁  
琴書自適掩雙扉久憐客路炎涼閱漸覺家鄉景色非

碧蘿吟館唱和詩詞

五

浪跡天涯知己少待盟鷗鷺共忘機

倦遊

茅屋三間晝掩關梅花香裏一身閒鑪開小火茶煙裊  
榻傍疏簾竹影環鷗鷺性情詩境淡神仙氣味俗塵刪  
跣趺靜學黃庭術合把清香供佛間

靜坐

一聲清響來天地萬木蕭蕭起晚風出聽魚龍浮海上  
成羣猿鶴唳山中偶舒鬱氣襟期逸自覺雄鳴眼界空  
獨坐幽篁琴正罷悠然林壑韻遙通

狂嘯

倚杖微吟五柳前性靈陶寫妙如仙一庭月影橫窗冷  
四壁蟲聲泣露圓偶把閒情傳雅曲可將涼意付新篇  
幽禽也向林間和天籟何妨信口宣

清歌

和作

馬鴻賓 韻秋

故園松鞠未全稀如鳥投林影共依大抵江湖愁白髮  
只因風雪感征衣半生托鉢嗟何益十載浮萍悔已非  
從此軟紅塵可撇嘆他薄宦幾人歸 倦遊

萬種奇愁祇此刪松篁陰裏掩雙關境逢寂處塵難染  
心到清時佛共閒半榻茶煙沈細細一牀春蘚漬斑斑  
蒲團消得諸魔障入耳泉聲入眼山 靜坐

偶然欬唾便成虹嵇阮襟懷孰與同氣似波濤蒸大海  
聲隨鸞鳳下長風獨傳清響驚凡輩大有豪情寄碧空  
慣向幽篁深處坐半因琴韻出林中 狂嘯

碧蘿吟館唱和詩詞

五

泠泠一曲瀉清泉風籟生時斷復連坐樹流鶯聲較澀  
啄霜警鶴韻同圓只宜逸響超塵俗何必閒情寄管絃  
飲盡盧仝茶七椀渺然謳思淡于仙 清歌

和作

徐兆庠

經年塵土宛征衣回首豪游力漸微客路風懷秋水澹  
天涯酒伴曉星稀昨聽鄉語心先喜老戀名場計總非  
草草行裝慵結束故山猿鶴盼儂歸 倦遊

此心耽靜卽空山兀坐長教謝往還香護禪牀清漏永  
風沈蓮幕落花閒簾鉤遲下看雲起詩草慵編倩友刪  
老鶴亦知高隱趣連朝替我守柴關 靜坐

陡聞長嘯落雲中，名士襟期迥不同。漫說引吭真似鶴，  
由來吐氣本如虹。放懷千古英雄少，昂首一聲天地空。  
憶自蘇門成絕調，人間摹擬也難工。

狂嘯

何須擗管并調絃，度出新聲字字圓。高唱入雲懷激烈，  
柔情如水訴纏綿。春來院落鶯初囀，酒醒江湖客未眠。  
賴有周郎工識曲，不教遺誤到嬋娟。

清歌

和作

陳斌

書劍飄零事事非，幾番劉表得因依。厭看泥雪鴻孤印，  
疲到津梁鷁退飛。客久自憐鄉夢少，裝輕漸覺僕人稀。  
向平心願他年了，再叩名山白板扉。

倦遊

碧蘿吟館唱和詩詞

七

市塵喧不到深山，木榻前頭矮几環。面壁暫時參畫理，  
結趺隨處做禪關。一條檀證忘年契，半尺苔摩積蘚斑。  
枯寂翻增腰腳健，登臨依舊好追攀。

靜坐

激楚哀音忽破空，鸞鳴鳳吹豈能同。大聲特寫煙霞傲，  
奇響真傳霹靂雄。獨對青山抒鬱勃，且回白眼振頑聾。  
事迷牛螻君休矣，更怕庸人患耳聰。

狂嘯

偶從花下與樽前，不用繁聲肆管絃。小海唱應翻夏統，  
大瓢行亦學坡仙。風騷滿座知音客，簾幕輕陰讀曲天。  
世乏韓娥珠串，黃金空貯買嬌錢。

清歌

和作

呂毓璜

索米長安計總非，關山迢遞閱駢騑。  
人衰馬齒頻愁長路遠，魚書倍覺稀。  
何苦征塵埋蠟屐，祇思林下著簑衣。  
勸歸杜宇聲聲急，商畧平生且息機。

倦遊

結廬寂寂異塵寰，曉起開簾燕未還。  
抱膝默思禪一味，支頤小住屋三間。  
悄無車馬來空谷，偷得工夫畫遠山。  
花作濃茵蒲作席，更教俗慮此時刪。

靜坐

劃然一振劇豪雄，恰與蘇門氣概同。  
司馬聲雌難嗣響，公綏賦好欲塵空。  
不關拭舌膏唇裏，宛中山鳴谷應中。  
驚起下方多小客，恍疑鸞鶴奏長風。

狂嘯

喉珠一串濕雲邊，紫韻紅腔字字妍。  
不論吳趨兼越唱，碧蘿吟館唱和詩詞。

天

何須急管與繁絃，南音清脆同園客。  
北曲蕭騷學水仙，他日霓裳摹小隊。  
羣真追步大羅天。

清歌

春雨初霽，花山筍正佳，遣足探回，以贈雪齋學博。

因作送筍圖并題

馬錦

春山夜夜動雷雨，萬犢掀煙翠滿塢。  
疾足往回數十里，擔頭泮确帶泥土。  
廣文思我渴且饑，苜蓿盤飧手捫肚。  
屋後蒿葵足半畝，日付炊厨空野圃。  
忽然門外送筍來，齒頰饒涎垂縷縷。  
汲泉滌釜命亟烹，飽嚼狂吞減簋盥。  
齒頰饒涎垂縷縷，汲泉滌釜命亟烹，飽嚼狂吞減簋盥。  
笑余投贈太簡約，清煮或嫌食蓼苦。  
索詩須要聚詩人，反累添買魚肉補講堂。  
羔雁無時無更有，殷殷獻脩脯。

古芸旣作送筍圖復屬余作採筍圖卽用古芸韻  
並寄雪齋學博 蔣浩

花溪一夜足春雨翠壓花山雲滿塢中有百萬嬰兒聲  
追出籜龍角迸土題詩欲入簣管谷噴飯弗顧書拄肚  
數十里外喚筍法法奇究不如老圃亟令腰鏡刷筍來  
尙帶山頭雲幾縷冷官夢過羊蹴蔬已盡馨薌上丁簞  
火速送此佐盤餐未變色香味不苦想徵詩料咀宮商  
敲句精神或小補還思山谷咒深林勿使林空食筍脯  
古芸餉馬墳筍作此志謝 方成珪

古往今來不同局廣文先生食竟足殷勤送酒多王宏  
碧蘿吟館唱和詩詞 无

慷慨指困有魯肅自問此心如水清門外苞苴轉相屬  
花晨兀坐了無事復聽荆扉響剝啄啟戶忽來玉版師  
附以手書一二幅云是花谿墳上種不比尋常村市鬻  
稍久稽留恐不鮮因教健步致雙麓良朋情義重如許  
敢不勉旃遵所囑急命庖丁礪霜刃殺此籜龍入我腹  
質豐而脆宜佐醪氣清且腴勝食肉甘美堪除何允輩  
芬芳不媿韓侯菹雜兒弱女恣大嚼并可飽餐到童僕  
遂令一家十餘口胸中各有渭川竹我從去年讀君詩  
每每饒涎溢口角今日承君遠投贈方信詩中語皆確  
世間竟有此珍品相見雖晚亦爲福作此預訂來春約

願更多多餽新玉臭味吾曹無少差定不厭余再三讀  
題採筍送筍圖  
方成珪

古芸舍人性愛客風流度越流輩百遙憐菽藿盤中空  
饋此龍孫佐浮白三月竹胎正苦老大似耿恭嚼筋革  
今日得君花山種甘脆宛如玉新學頓令老饕食量加  
大嚼狂吞破常格君與蔣侯畫並妙遠勢不嫌小本窄  
采筍送筍分繪圖奚啻玉田得雙璧圖後附以詩兩首  
萬里煙雲恣揮斥徐生題詠亦超超位置詩壇各稱伯  
筍旣食盡無餘膾香味轉從畫中撫把卷靜參玉版禪  
絕勝癡心空煮簞

碧蘿吟館唱和詩詞

三

同作

呂榮

造物網緼化無逾筍發生侵晨芽甫現薄暮甲孤擎想  
見植根厚從教連彙征鱸堂佐樽酒氣味早同清

同作

張駿

趁取驚雷乍脫胎筠籠攜贈到書臺試看玉筍班班在  
問字還應帶酒來

貓頭名種出花山健步移來帶露鮮容得涓川一千畝  
孝先無怪腹便便

百獲生涯仗陸莊山肴野蔌每承筐儻圖適口須兼味  
分付厨丁小宰羊

點綴清齋玉板師由來蔬果法徐熙不須咒使休成竹  
畫餅宛然可療飢

同作

徐紹曾

花山土脈盡含黃稚筍逢雷產此鄉爭買筠籃犀角短  
未燒先覺素蘭香

舍人遣使餽吾師枝藟盤邊佐幾枝清味嚼來牙齒滑  
品題脫口寄新詩

韭花曾寫楊凝帖玉板還參坡老禪今喜翻新詩與畫  
圖成合璧徧流傳

同作

徐鼎

庚笙

碧蘿吟館唱和詩詞

三

山中一夜驚雷吼玉筍掀泥竄花颺疏籬淺帶落花香  
鴉鋤合向雲根剗扶風豪士詩中豪薄言采之花山椒  
一肩擔入桐谿路風雨疑有山靈號急呼健步遺冰署  
菽菹盤中供匕箸庭前縱有束脩羊也須領畧煙霞趣  
古芸舍人繪爲圖胡威一尺毫端濡蔣翊兼描采筍幅  
裝成合璧雙璠璣吾師命我題此冊潑眼嵐光生几席  
畫裏雙奚一例忙風流韻事傳高格吾聞采筍宜護風  
琳琅密貯蒼筠筒一日曰蔦二日於辨味不及如魚櫻  
何時荷錫棲山麓安排土銜依修竹載酒同參玉版師  
領取山間清淨福



同作

潘蓉鏡

春雨一夜融春泥籜龍百萬盈花溪錦綉覓得剛一束  
擔頭走送呼小奚廣文先生性嗜酒盤餐菽藿兼黎祁  
上丁分膳設華讌座客往往相嘲譏今晨截玉恣大嚼  
配以新韭鋤春畦亟浮大白樂莫樂禽言恰聽壺盧提  
繪圖徵詩足天趣筍香滿腹抽新莢吟餘我亦食指動  
分肥勿笑饑涎垂厨兼櫻桃更美備相送可有筠籠攜

同作

周炳鏞

同笙

花山隱隱春雷鳴每苦逆裂春筍生林林玉立折風絲  
行佐菽藿陳前楹急命庖人煮以出哀梨入口脆無匹

碧蘿吟館唱和詩詞

垂

珍錯揮斥如陳羹速呼大白浮其一花隱先生雅好事  
捉筆爲寫主人意主人藻繪亦殊倫送筍圖與採筍次  
錦綉頭角何峻嶒籜龍百萬朝飛騰馬龍鬪出白雲濕  
郇厨委去嵐煙凝淋漓墨瀋香味在二難相并珍錫朋  
君不見太守千畝撐腸健清貧雅諳足噴飯又不聞東  
坡好參玉版禪禪悅之味長弗諼況此摹繪尤韻絕讀  
詩未竟先流涎青春縱老籜盡落嚼當屠門亦良樂

同作

陳斌

江南三月春雨濃掀泥萬犢何青葱就中筍味最佳處  
劇雲直趨花山東小桐谿客極豪邁詩句束筍添叢叢

采筍圖成送筍繼中有春意生蓬蓬長鬚遠致挑壓擔  
勝於春初早韭秋末菘畫中有詩詩有畫二圖二詩皆  
化工八分摘寫山谷句精妙更欲推徐工吾師得此大  
歡喜頓拓渭川千畝胸五束十束快大嚼披圖蒼壁彌  
無窮我詩愧有蔬筍氣筆尖安得垂長虹私願竊與涪  
翁異質之吾師將毋同但要平安日日報琅玕萬个搖  
春風筍班著意憑長養放梢直欲上太空籜兮籜兮誰  
吹汝凌雲化作斑斑龍

同作

鄒履吉

石均

驚雷夜出地生意入叢竹先後競爭長臍臍鬪犢角割

碧蘿吟館唱和詩詞

圭

愛爲芟繁采采盈幾束悠然疏籬旁有若陶令菊先生  
盤盤才咄彼俗子俗笑學蘇長公玉版禪味足弟子來  
請業佳者必採錄把臂同入林辨珠子魚目他時干霄  
上掌舉宗敏續鐵網廣搜羅班行定號玉

其二

千里寄竹萌妙語傳玉局始知賢達士餽遺亦遠俗費  
舍奉雨酣龍孫長幾族籜嫩苞更香終朝賦采綠古有  
包苴禮木瓜誦已熟惠心自有孚投之等瓊玉非關涪  
翁乞作詩道勝肉且學折梅人一枝寄空谷有無通其  
情推解得所欲盡肅使者退被此春風足

自越中歸偕馮柳東太史汪一江布衣過桐溪訪

古芸不值賦此誌悵

李遇孫

金澗

今春剡中遊谿山入圖畫水飲一口甘

王謝子弟游剡川雖寒強飲水

一艇畱千古快

王子猷訪戴仲若處名艇湖在城北高似孫剡錄序會稽蘭亭剡雪艇一時清風萬古

冰雪

王謝蹟猶存晉宋風未邁相逢多勝侶所樂傾

情話獲酒如獲標索詩甚索債

在越中與裴薊山學博錢兩亭喻珊亭諸孝廉

每夜鬪酒行令前後得詩數十首

曠爽得未曾登臨敢自憊拖或杖頭

折著屐屨齒壞不覺三月羈直勝一病瘥轉瞬花事殘

忽報蒲節届泛泛酒盈觴急急帆飽挂歸家塵又牽訪

友心匪懈孳伴得馮汪扣舷唸芥蕞才徵東箭英詩證

碧蘿吟館唱和詩詞

五

西江派爾雅佛同登金石例不隘未向雙峯游不下一

老拜

過硤川欲訪榕園不果

我與爾久違汪請馮爲价百分擬把

杯一笑如脫械豈知相見難頓使乘輿敗行止詎有數

齟齬足稱怪作詩寄鴛湖和就長同唱

同作

馮登府

少游通爽資寄詩復媿畫平生傾倒心如披清風快詩

如與君工畫亦寅哥邁屢約同戶飲來伴結閑話我久

嬾窟居出門若逃債三年賦歸田聊辭腳韉億敢學劉

勝高未教公僕壞雲泉位亦宜煙霞痼未瘥失喜故人

歸日正竹迷届傘村摘船來梅雨枉帆挂覘孟期縱愆

歎陳誼豈懈詎知見面慳奚釋予心懣難入主客圖違  
論暄萋派我黨有汪倫短褐測交隘才傾杜一日

一江  
爲雪

盧高弟

迂笑方三拜嫁衛久無媒畱胡誰作价終年屋打  
頭何時詩脫械倘借長城攻定免一軍敗結夏當過歇  
直造君休怪落落今舊雨毋使杜陵喟

和作

汪 澗 一 江

桐溪窈且深扁舟坐如畫初憐鏡面指新試剪刀快趁  
年偕孔融如仙招許蓮瑣碎檢石經從容談詩話奇居  
同呂貨畢收類薛債公等才足雄我遊意豈億帆健疾  
於飛水活碧不壞到如背癢搔渴使肺病瘥易占三人

碧蘿吟館唱和詩詞

三

來詩咏君子屆滿擬屣到迎何期榻仍挂泛蒲願已虛  
看竹心肯懈身本任去畱胸豈存芥蒂賴聆雛鳳聲頗  
得老驥派海鯨縱未逢井魚已忘隘從此抱山居甘作  
望塵拜忽蒙念神交相招託媒价浮家歸酒船險韻寄  
詩械飲期河朔豪興補山陰敗君惠誠殷勤余才非瓊  
怪三復瓊瑤編慨然發長喟

和作

馬 錦

客來主人出充飢餅空畫登堂興已闌返櫂心不快姪  
雖有嚴敦子且非過邁咄嗟少酒筵閒寂虛茗話本樂  
館延賓反同臺避債我暫鴛湖居酬酢甚矣儼頑骨磨

愈堅緇塵染未壞寡營夢亦安勿藥病自瘥懸盼故人  
臨幾忘炎夏屆我船在北停君帆向南挂交臂悔莫追  
奮翼身奈懈偶然歎送迎豈遂畱芥蕘馮汪況能詩元  
白有同派縱類次公狂斷無伯夷隘久推座上賢甘作  
牀下拜晤緣詎終慳申請復爲价雅誼託苔岑俗情化  
穢械酒陣一以張詩壘兩不敗結念鬱鬱愁書空咄咄  
怪萍因有合離君母發感喟

卽事二首

方成珪

九重詔討莫離支韓范威名遠出師舊日山河歸版籍  
頻年塵土浣旌旗玉關地迴三龍接花海霜寒萬馬馳  
安得甲兵都淨洗大書功績勒穹碑

碧蘿吟館唱和詩詞

美

東南已掃鯨鯢穴西北猶屯虎豹營聞道大軍頻奏捷  
并傳餘黨半歸誠紫韉賜下雲霄路青禁榮兼保傅名  
萬里師徒供億久諸公何以慰 皇情

和作

馬錦

天弧西指掃欃槍萬騎雲屯葉爾羌羽檄飛傳諸部落  
輿圖恢復舊邊疆孤忠弱息歸無恙 喀什噶爾阿奇木  
郡王邁瑪薩伊特

苑難其子阿克拉伊甫六歲陷  
賊故克喀什噶爾襲封郡王

參贊奇謀定有方 褒

錫殊恩榮保傅元戎捷伐殲鷹揚

瓦解冰消寇勢孤紛紛城下獻降俘軍威克壯揚無敵

竄跡終擒賀賴盧  
早使凱歌傳驛路  
休教供億困師徒  
大功告蒞塵氛靖  
帷幄勲勞秉 聖謨

補題采筍送筍圖

楊棟秀

雲浦

花山雷雨後到處竹龍生  
犀角芒初露貓頭畫已成  
刷根資月斧墜籜有風聲  
分付園丁采挑來比玉瑩  
知交原似水送筍到文壇  
不假金錢買常充菽藿盤  
卻宜紅豆煮應合錦綉看  
玉版參禪意坡仙語不刊  
食指情何限圖成韻事畱  
繪將春一掬寫出誼千秋  
題跋推名望流傳蕙勝遊  
心期原澹泊領畧悟前修

同題

王 頤

百期

碧蘿吟館唱和詩詞

三

憶昔衛武公詩人咏菘竹  
篤志紹前修澹泊鄙食肉采  
筍送筍來便便孝先腹朝夕  
以加餐美不數天目亭亭  
玉筍班學植多清福非同處  
士梅不是陶潛菊佳句富  
珠璣此圖當三復難與俗人  
言合照青藜讀知君子畝  
在胷中笑我簿書徒鹿鹿

同題

錢泰吉

警石

黃蘗三百囊鮭菜廿七種  
吾曹藜藿腸羹材富骨董那  
用饋竹萌使者相接踵舍人  
不解事健步走先壟方千  
亦癡人三拜謝嘉罷我來披  
新圖一笑腹欲捧違朝饑  
腸空革帶已移孔夢想張僕  
射飽食輒滿桶大肉盛餉

盤美酒貯玉甃更欲張華筵家樂奏囉噴舍人倘能供  
望蜀逾得隴不然盛夏時貓頭比雙珙如冬思韭萍能  
否致一籠詩成饒涎垂食指何年動

附題

鮑 璐 藉堂

一心咒筍願無違酷愛非關味美肥坡老風流今宛在  
定緣玉版悟禪機

筍贈花山意等閑摘詞繪譜最相關共霑時雨春風化  
他日亭亭玉一班

附題

應時良 笠湖

冷官有癖同饒守菽菹梓帽不離口貓頭姑擬代花豬  
碧羅吟館唱和詩詞

三

安得渭川一千畝扶風舍人雅好事道公所欲我能取  
花山馬墳筍之藪採送鱸堂疾足走勝以圖畫繫以詩  
二客同傾墨一斗鴛湖蔣花隱采筍摹老手狀腰一饒  
背雙篋繪出籬根鬪玉聲香噴如蘭脆于藕題者徐壽  
魚濡筆若聖帝大書七字體八分摘山谷翁句弁首舍  
人自補送筍景蕭穎士奴行抖擻一肩擔壓煙雨風半  
角城遮桃杏柳遙指東郭門忙趨泮池右併詩書畫呈  
廣文一笑方干三拜受煮筍登盤孟展圖張戶漏眼窺  
齒嚼口流沫腹捧便便誇不負傳觀徧詞客題句我最  
後畫中詩已十八九下筆尤難脫科曰將言筍之味不

過比菘韭若論送者情猶不及羊酒乃知其事亦尋常  
但覺此圖堪不朽君不見韭花楊少師櫻桃杜陵叟有  
詩有書畫無有有之自馬舍人送筍始始信爲物雖微  
意厚厚惜乎先生甘獨享一束分慳木瓜剖頗疑口腹  
公太貪翻累心肝我空嘔詩成似與他人殊急寫蠻箋  
告師友舍人當爲然廣文或曰否還恐胷中萬籟龍一  
時驚起如雷吼

附題

蔡逸

逸史

秀比商山芝清壓湘湖蕪犀株手親割消受家園春分  
圖境清絕藝事能翻新

碧蘿吟館唱和詩詞

五

舍人敦古懽雅重廣文鄭荒筍念同儔筠籠遠郵贈絡  
繹馳馬軍合遣佳釀滕

附作

俞興瑞

霞軒

吾鄉馬墳筍厥品異恒蔽腴味舍土膏清氣雜蘭馥夫  
子瀟灑性骨相非食肉臥聞雷轉車坐想雲透鏃使同  
折梅忒符比調水速白眉洵知已黃耳遣不宿一一送  
錦繡森森卷書軸春風入冷解美酒糟牀熟漑釜燒琅  
玕登盤揮首藹貴宜壓浴下肥亦勝天竺恰笑太守饒  
千畝空在腹我聞杜陵翁餽薤來茆屋又聞谷君詩遣  
騎豉蔬族茲風今宛覩肯讓古人獨夫子句幽削正類



臨水竹況喜獎後進玉筍行高矗披圖志勿設木瓜殿  
洪澳

余刻唱和集所以聯知已翰墨之緣今春旣得方  
雪齋學師爲之倡率一時和者珠玉紛投目不勝  
賞凡五月而其間因試事中輟適有梅里馮柳東  
太史贈答各作以補其缺合爲一卷序其目曰四  
刻以見續梓之未有竟也道光丁亥仲夏馬錦謹  
識

碧蘿吟館唱和詩詞

四刻

碧蘿吟館唱和詩詞

早

